



**S** wirdt von nöten sein/ das man wiß eynem zirkelstrum sein Centrum oder mittel puncte  
 zu finden/ Das macht man gleich durch den weg wie vor angezeiget das man eyn auffrecht  
 te lini/ auff eyn zirkelstrum setze/ thu im also/ dz für gegeben zirkelstrum sey. a. b. darauff setze  
 eyn zirkel mit dem eyn fuß in den puncten. a. vnd den andern setze ein wenig ins zirkelstrum hinein  
 vnd reiß eyn runden riß ober sich vnd vnder sich/ so weydt du des bedarff/ Darnach nim den zirkel  
 vnd setze in mit dem eyn fuß in den puncten/ den dein krumer riß im zirkelstrum gemache hat/ vnd  
 reiß mit dem andern fuß aus dem puncten. a. rund ober sich vnd vnder sich/ wo sich dann die zwen  
 runden riß oben vnd vnden schliessen/ da zeuch eyn gerade lini durch/ vnd soltent vnder sich so fer/  
 du der bedarff. Also thu im auch auff der seiten. b. so werden sich die zwu geraden linien vnden  
 da sich das Centrum findet durch eynander schliessen/ dahin setze eyn. c. Also ist der Centrum zu  
 diesem zirkelstrum funden wie ich das vnden hab auffgerissen.



**S** ist nützlich zu wissen so drey puncten vngleich gestelt werden/ dz man sie behend so man  
 sein bedarff/ in eyn zirkel verassen müg diß mach also/ Die drey puncten seyen. a. b. c. die  
 zeuch mit zweyen geraden linien zusammen. a. b. vñ. b. c. Darnach thu im zugleicher weyß wie  
 vorn in der. 21. figur angezeiget ist/ such die mittel beider linien. a. b. vnd. b. c. vnd laß die zwu geraden  
 linien die die zwu linien. a. b. vnd. b. c. yliche in der mitt von eynander teylen vnder sich herab durch  
 eynander streycken/ dahin setze eyn. d. Darnach setze eyn zirkel mit dem eyn fuß in den puncten. d. vñ  
 den andern in den puncten. a. vñ reiß daraus eyn gansen zirkel riß/ so rürt der zirkel die drey  
 puncten. a. b. c. wie ich das vnden hab auffgerissen.



**B**eh soll man wissen zu finden/ so eyn weyter zirkelstris an eyn gerade lini rürt/ dz man dan  
 enge halben der winckel so die linien so nahe zusam lauffen/ nit wol sehen kan/ wo sie rüren/  
 das kan man durch disen nachfolgenden weg erfarn/ Setze ein zirkelstrum. a. b. vnd eyn gerade lini  
 die sie anrürt. c. d. Nun setze ein zirkel mit dem eyn fuß in das end. c. vnd mit dem andern reiß eyn  
 wenig hineyn gegen dem end. d. eyn runden riß vnder sich vnd ober sich/ wo dan diser riß die lini. c. d.  
 durchschneyt/ da setze ein. e. Darnach nim den zirkel vnuerruckt/ vnd setze in mit dem eyn fuß in den  
 puncten. e. vnd reiß mit dem andern rund durch das end. c. wo sich dan diese zwen runden riß oben  
 schliessen/ da setze eyn. f. aber vnden eyn. g. Darnach reiß aus den zweyen puncten. f. g. eyn gerade  
 lini/ wo diese lini die zwerch. c. d. durchschneydt da setze eyn. h. wo sie aber durchschneyt dz zirkelstrum  
 a. b. da setze eyn. i. Darnach zeuch aus dem puncten. i. eyn zwerch barlini/ gegen der obern zwerch  
 lini. c. d. wo dann diese lini das zirkelstrum durchschneydt/ gegen dem end. b. da setze ein. k. Darnach  
 nym die leng. i. k. vnd leg sie auff die lini. c. d. mit dem eyn ende in den puncten. h. vñ je leng schneyd  
 gegen dem. d. mit eynem puncten. l. ab/ Darnach zeuch. l. k. gerad zusammen so wirdt daraus eyn  
 ablang strung. h. l. k. i. Nun so du das mittel wilt finden/ in welchem puncten die krum lini. a. b. die  
 gestrackt. c. d. anrürt/ so setze eyn zirkel mit dem eyn fuß in den puncten. l. mit dem andern reiß durch  
 den puncten. h. rund ober sich vñ vnder sich/ Darnach verker den zirkel/ vñ setze in mit dem eyn fuß  
 in den puncten. h/ vñ reiß mit dem andern fuß rund durch den puncten. l/ ober sich vnd vnder sich/  
 wie das in der. 21. figur angezeiget ist/ wo dann diese zwen runden riß sich oben schliessen/ da setze eyn  
 /m/ aber vnden eyn. n/ Darnach reiß eyn gerade lini / m/ n/ wo dann diese lini/ die zwerch / c/ d/  
 durchschneyt/ da setze eyn puncten. o. der ist das ort/ da die krum lini. a. b. die gerad lini. c. d. anrürt/ wie  
 du das hie vnden auffgerissen siehest.